

urbanizam i građenje donosi rješenje o imenovanju i Zaključak o isplati naknade, a zakonom propisane poreze i doprinose i naknade uplaćuje Općina Hadžići od sredstava navedenih u članovima 6. i 7. ovog Cjenovnika.

Investitor građevine utvrđenu naknadu za vršenje tehničkog pregleda uplaćuje na račun Općine Hadžići.

Član 11.

Isplata naknade članovima komisije vrši se putem računa kod poslovnih banaka, a na osnovu zaključenog Ugovora o djelu.

Član 12.

Ovaj cjenovnik stupa na snagu narednog dana od dana objavljivanja na oglasnoj tabli Općine Hadžići, a naknadno će se objaviti u "Službenim novinama Kantona Sarajevo", i isti se primjenjuje od 01.01.2026. godine.

Član 13.

Stupanjem na snagu ovog Cjenovnika prestaje da važi Cjenovnik tehničkog pregleda građevina ("Službene novine Kantona Sarajevo", broj 9/25).

Broj 02-11-3-14431/25

19. decembra 2025. godine
Hadžići

Općinski načelnik
Eldar Čomor, s. r.

OPĆINA ILIDŽA Općinsko vijeće

Na osnovu člana 8. i 13. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj 49/06 i 51/09) i člana 28. Statuta Općine Ilidža ("Službene novine Kantona Sarajevo", broj 33/10 - Prečišćeni tekst, 18/16), te uz predhodno pribavljeno mišljenje Pravobranilaštva Općine Ilidža broj M-107/25 od 16.09.2025. godine, Općinsko vijeće Ilidža na 11. redovnoj sjednici održanoj dana 25.09. 2025. godine, donijelo je

ODLUKU

O USTUPANJU NA KORIŠTENJE DIJELA ZEMLJIŠTA U BIVŠOJ KASARNI "NEDŽARIĆI" OPĆINA ILIDŽA KLUBU NK "STUP"

Član 1.

(Predmet Odluke)

Ustupa se NK "Stup" Ilidža na korištenje dio zemljišta u bivšoj kasarni "Nedžarići" Općina Ilidža, označeno kao dio k.č.br.1261, upisana u Posjedovni list broj 237, K.O Stup, u površini od 44.635 m², a koje na sjeveru graniči sa Agencijom za pružanje usluga u zračnoj plovidbi u BiH, južno sa ulicom Kenana Dubravića, istočno sa ulicom Aleje Bosne Srebrene i zapadno sa ul. Kenana Dubravića, odnosno sa parcelom označenom kao k.č. br. 1267/1 K.O Stup (kat. stanje).

Član 2.

(Svrha korištenja)

Zemljište iz člana 1. ove Odluke ustupa se na korištenje NK "Stup" bez naknade, a u svrhu provođenja sportskih i rekreativnih aktivnosti.

Član 3.

(Ograničenja korištenja)

NK "STUP" ne može nekretninu iz člana 1. ove Odluke ustupiti na korištenje trećim licima i dati u zakup bez saglasnosti Općine Ilidža i Vlade Federacije Bosne i Hercegovine.

Član 4.

(Ugovor o korištenju)

Ovlašćuje se Općinski načelnik da sa NK "STUP", zaključi Ugovor o međusobnim pravima i obavezama u vezi sa ustupanjem zemljišta iz člana 1. ove Odluke.

Član 5.

(Dostavljanje ugovora)

Zadužuje se Služba za imovinsko-pravne, geodetske poslove, katastar nekretnina i upravljanje imovinom Općine Ilidža da jedan primjerak ugovora iz člana 4. ove Odluke dostavi Službi za zajedničke poslove organa i tijela Federacije Bosne i Hercegovine.

Član 6.

(Prestanak važenja ranijih propisa)

Danom supanja na snagu ove odluke prestaje da važi Odluka o ustupanju na korištenje dijela zemljišta u bivšoj kasarni "Nedžarići" Općina Ilidža klubu NK "STUP" ("Službene novine Kantona Sarajevo", broj 49/21)

Član 7.

(Stupanje na snagu)

Ova Odluka stupa na snagu narednog dana od dana objavljivanja u "Službenim novinama Kantona Sarajevo", a ista će se objaviti u "Službenim novinama Kantona Sarajevo" tek nakon dobijene saglasnosti od strane Vlade Federacije Bosne i Hercegovine za ustupanje na korištenje predmetnog zemljišta NK STUP bez naknade.

Broj 01-02-7148/25-16

25. septembra 2025. godine
Ilidža

Predsjedavajući
Tarik Stambolić

Na osnovu člana 6. Zakona o komunalnim taksama ("Službene novine Kantona Sarajevo", br. 8/22), a u vezi sa Mišljenjem Ustavnog suda Federacije Bosne i Hercegovine broj U-6/25 od 9. aprila 2025. ("Službene novine Federacije BiH", br. 33/25), člana 13. alineja (4) Zakona o principima lokalne samouprave ("Službene novine Federacije BiH", broj 49/06 i 51/09) i člana 86. Statuta Općine Ilidža ("Službene novine Kantona Sarajevo", br. 33/10 - Prečišćeni tekst i 18/16), Općinsko vijeće Ilidža, na 15. redovnoj sjednici održanoj dana 29.01.2026. godine donijelo je

ODLUKU

O IZMJENAMA ODLUKE O VISINI KOMUNALNIH TAKSI OPĆINE ILIDŽA

Član 1.

U Odluci o visini komunalnih taksi Općine Ilidža ("Službene novine Kantona Sarajevo", broj 14/22), u članu 2. tačka "a)" briše se.

Dosadašnje tačke od "b" do "h", postaju tačke od "a" do "g".

Član 2.

U članu 3.

Briše se tačka "a)".

Dosadašnje tačke od "b" do "h", postaju tačke "a" do "g".

Član 3.

U članu 4., stav (1) briše se.

Stav (2) mijenja se i glasi:

"Taksena obaveza iz člana 3. stav 1. tačke a) do g) ove odluke nastaje u trenutku kada se počinje koristiti predmet, poslovni prostor i usluga za čije je korištenje ovom Odlukom propisano plaćanje takse."

Dosadašnji stav "(2)" postaje stav "(1)"

Član 4.

U članu 5., stavu (1) iza riječi "predmeta", dodaju se riječi "poslovnih prostora".

Član 5.

U članu 8. stav (1), Tarifni broj 1. briše se.

U Tarifnom broju 3., tabelarni dio mijenja se i glasi:

Poslovni prostor u kojem se priređuju klasične i posebne igre na sreću	Z O N E – iznos takse u KM				
	EXTRA	I	II	III	IV
Iznos	20000	18000	16000	14000	12000

Dosadašnji Tarifni brojevi od 2. do 8., postaju Tarifni brojevi od 1. do 7.

Član 6.

Član 10. briše se.

Član 7.

Član 11. briše se.

Član 8.

U članu 12. stav (1) briše se.

U stavu (2) riječi " tačke b) do h) zamjenjuju se riječima "tačke a) do g)".

Dosadašnji stav "(2)" postaje stav "(1)".

Član 9.

U članu 14. stav (1) mijenja se i glasi:

Nadzor i kontrolu prijave, obračuna i plaćanja općinske komunalne takse vrši Porezna uprava i Služba za inspekcijski nadzor Općine Ilidža - Urbanističko-građevinska i komunalna inspekcija u saradnji sa Službom za finansije, svaka u okviru svoje nadležnosti.

U članu 14., u stavu (2) riječi "Službi iz stava (1) ovog člana" zamjenjuju se riječima "Službi za finansije".

Član 10.

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-02-460/26-1

29. januara 2026. godine

Ilidža

Predsjedavajući
Tarik Stambolić

Na osnovu člana 25. stav (8) i člana 39. stav (2), Zakona o prostornom uređenju Kantona Sarajevo ("Službene novine Kantona Sarajevo", broj 24/17, 1/18), te članova 19. i 28. Statuta Općine Ilidža Sarajevo ("Službene novine Kantona Sarajevo", broj 33/10 - Prečišćeni tekst, 18/16), Općinsko vijeće Općine Ilidža, na 15. redovnoj sjednici održanoj dana 29.01.2026. godine, donijelo je

ODLUKU

O PONIŠTENJU ODLUKE O PRISTUPANJU IZRADI REGULACIONOG PLANA "KAMENJAČE - BARE"

Član 1.

Poništava se Odluka o pristupanju izradi Regulacionog plana "Kamenjače - Bare" (u daljem tekstu: Plan), objavljena u "Službenim novinama Kantona Sarajevo", broj 09/10.

Član 2.

Postupak izrade i donošenja Regulacionog plana "Kamenjače - Bare" iz člana 1. ove Odluke obustavlja se u zatečenoj fazi.

Član 3.

Razlog za donošenje ove Odluke je:

Protek rokova za pripremu i izradu Plana definisanih članom 5. Odluke o pristupanju izradi Regulacionog plana "Kamenjače - Bare".

Član 4.

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-02-460/26-2

29. januara 2026. godine

Ilidža

Predsjedavajući
Tarik Stambolić, s. r.

Na osnovu člana 84. stav 3. Zakona o prostornom uređenju ("Službene novine Kantona Sarajevo", br. 24/17 i 1/18) i člana 36. Statuta Općine Ilidža ("Službene novine Kantona Sarajevo", br. 33/10 i 18/16), Općinsko vijeće Ilidža na 15. redovnoj sjednici, održanoj 29.01.2026. godine, donijelo je

ODLUKU

O IZMJENAMA ODLUKE O UTVRĐIVANJU UVJETA I NAČINA ZA POSTAVLJANJE SADRŽAJA NA FASADAMA GRADEVINA NA PODRUČJU OPĆINE ILIDŽA

Član 1.

U Odluci o utvrđivanju uvjeta i načina za postavljanje sadržaja na fasadama građevina na području Općine Ilidža ("Službene novine Kantona Sarajevo", br. 12/25) u članu 31. u stavu (1) iza riječi reklama/firmi, briše se dio koji glasi "čija je površina veća od 0,5 m²". Ostali dio stava (1) ostaje isti.

U istom članu dodaje se stav (5) koji glasi:

"Na objektu u kojem se obavlja poslovna djelatost dozvoljeno je postavljati reklame maksimalnih dimenzija 50 cm x 100 cm ili 0.5 m², u svrhu isticanja te djelatnosti bez naknade."

Član 2.

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-02-460/26-3

29. januara 2026. godine

Ilidža

Predsjedavajući
Tarik Stambolić

Na osnovu člana 9. stav (2) Odluke o priznanjima općine Ilidža ("Službene novine Kantona Sarajevo", broj 51/18, 37/19) Općinsko vijeće Ilidža, na 15. redovnoj sjednici održanoj dana 29.01.2026. godine, donijelo je

ODLUKU

O DODJELI PRIZNANJA OPĆINE ILIDŽA U 2026. GODINI

I

Ovom Odlukom Općinsko vijeće Ilidža dodjeljuje priznanja Općine Ilidža u 2026. godini u povodu 12. marta – Dana Općine Ilidža.

II

Priznanja Općine Ilidža u 2026. godini dodjeljuju se slijedećim pojedincima i kolektivima i to: